

唐折衝府考補

1
45

府兵之制，紜於西魏，增於周隋，而大備於唐。顧所立府數，在當代已言人人殊，而新唐書地理志所載府名又多亡佚，僅得四百四十有八。曩仁和勞先生經原作折衝府考，其子格又增輯之。凡補府百有九，合之唐志得府五百五十有七。又博考諸書於志之羣亂譌誤者，一一是正之。其書至精核，其定彙藏振綺堂。汪氏光緒戊戌從汪舍人康年假觀，適貴池劉京卿世珩方刻叢書，因以授之。劉君又轉授諸南陵徐觀察，乃昌遂刊入鄭齋叢書中。當未刊時，予頗擬為之校補，乃以人事旁午，匆匆未果。比年以來，每於石刻及隋唐兵符見有府名為勞氏所未及者，輒補錄之。又唐志所載諸府，勞氏考注未詳者，瀏覽所及亦隨時

記於書眉始於宣統初元逮於壬申凡六易彙遂補府六
十四正唐志羣譌六與唐志不合未知孰是者二補注百
有七沿勞氏書例別紙錄為唐折衝府考補一卷而以隋
兵府之見金石刻者三十有八附焉上虞羅振玉

關內道

京兆府

相原 唐志誤羣入華州勞氏改正

隋鷹揚府虎符

嘉興竹里張氏藏
後歸吳清卿中丞

有右禦衛相原府是此

府乃承隋之舊又龍門有唐相原府校尉王寶為亡父造

觀音象記

通樂 勞補

唐河間郡劉庭訓墓誌遂授通樂府果毅

豐瀾今補

龍門賓陽洞有唐雍州豐瀾府校尉王弘口造象

崇仁勞補

此府勞氏據臧懷恪碑補之列卷四未知何屬諸府中案

唐都督楊公紀德頌絳州同鄉京兆崇仁二府折衝是崇

仁隸京兆

甘泉今補

唐彭城劉府君夫人誌祖游將軍京兆府甘泉府折衝悌

咸陽今補

唐楊智積墓誌以功授上柱國除咸陽府長上果毅案咸

陽縣屬京兆府則此府亦當隸京兆

義豐今補

唐董虔運誌石文又改授京兆府義豐府右果毅

永樂今補

唐景龍二年薛崇徽寫大般涅槃經後記弟雍州永樂府左果毅上柱國崇暉供養

天齊今補

唐齊士員造象記有天齊府研津壤又唐朱遠墓誌嗣子護任三原縣天齊府左果毅

左清道率頻陽今補

唐康留買墓誌守左清道率頻陽府長上果毅又齊士員造象記有頻陽府關文瓚案晉及後魏皆有頻陽縣屬雍州馮翊郡則此府必隸京兆

王保今補

齊士員造象記有王保府折衝都尉趙伽

懷信今補

齊士員造象記有懷信府果毅都尉孤範案唐右戎衛
開福府旅帥作欽墓誌考諱德隋懷信府車騎是此府乃
承隋之舊

長豐今補

齊士員造象記有長豐府折衝王口感案以上三府未知
何所隸然此記載府名五其二皆隸京兆疑此三府亦京
兆屬姑附此俟考

左衛
竇泉唐志

唐董守貞墓誌遷游擊將軍左衛竇泉府左果毅都尉

懷舊勞補

偽周處士張信墓誌祖德隨任雍州懷舊府折衝勞氏據
新書宰相世系表四唐世進懷舊府別將龍文縣男補此
府而未知何屬今知屬雍州且承隨之舊

恆王今補

唐右衛十將使孔公浮圖功德銘烈考諱含光京兆恆王
府折衝都尉又王景秀墓誌授恆王府典軍李休墓誌守
恆王府典軍宋邊墓誌題試恆王府長史崔載墓誌試恆
王府司馬

左驍衛豐安今補

唐劉玄豹夫人高氏墓誌又改授左驍衛京兆府豐安府
折衝

華州

衛豐原唐志

唐劉玄豹夫人高氏墓誌秋滿授右衛華州豐原府折衝

同州

大亭

唐志

唐行榮陽郡長史崔湛墓誌超授同州大亭府折衝

安遠

唐志

唐本願寺僧慶善等造幢題名弟騎都尉前安遠府別將
思暎又弟安遠別將騎都尉元景

濟北

唐志

唐安

唐志

唐苑立亮墓誌遷濟北唐安二府折衝又來慈墓誌起家
擢授蓋松唐安二府都尉

太州 唐志

唐大雲寺彌勒重閣碑前大州府兵曹參軍趙嘉賓

東河 唐志今正

唐王素臣墓誌嗣子前同州東河府別將無虧等案東河
唐志誤作河東

隆安 今補

偽周康郎墓誌勅授同州隆安府左果毅都尉

鳳翔府

洛邑 唐志

唐王脩福墓誌轉岐州洛邑府果毅案岐州至德二載改

鳳翔誌在開元九年故尚稱岐州

文城 唐志

唐榆林郡都督府長史王承裕墓誌弱冠以軍功授扶風郡文城府別將

邵吉

唐志

陰氏世系幹子嗣瓌岐州邵吉府別將又唐光祿卿程君墓誌岐州邵吉府折衝滿之孫

望雲

今補

敦煌陰氏世系殘卷業子庭蘊見任岐州望雲府別將案唐志鳳翔府有望苑府望雲不知即望苑否待考

邵州

良社

唐志

唐孔公浮圖功德銘曾祖唐朝訥

即邵州良社府折衝都尉

之為

尉

蜂川 唐志

唐焦瑾墓誌署守邠州蜂川府長史

舜城 唐志

偽燕段公夫人常氏墓誌夫人即唐朝邠州舜城府折衝

北庭副使仁師之曾孫

右玉鈴衛金池 唐志

偽周楊亮墓誌署題右玉鈴衛金池府折衝都尉

隴州

左金源汧 今補

陰氏世系希次子嗣瑗左金吾衛隴州源汧府左果毅都

尉案唐志有臨汧府不知即源汧否又源汧疑汧源之譌

涇州

右領軍衛純德唐志

唐右龍武軍將軍張德墓誌次任右領軍衛涇州純德府折衝又唐邢思賢墓誌授忠武將軍行右領軍衛涇州純德府折衝都尉

涇陽唐志

隋孟常墓誌標題故涇陽府旅帥孟君墓誌知此府亦承隋之舊

左武衛四門唐志

唐蔡崇敏墓誌嗣子涇州四門府別將賜上護軍庭倩又唐劉明德墓誌署左武衛涇州四門府折衝都尉

原州

安善唐志

陰氏世系超子忠諫原州安善府左果毅都尉

寧州

羅川 今補

唐劉龍樹墓誌唐寧州羅川府折衝又劉玄豹夫人高氏墓誌祖善寧州羅川府折衝

右領軍衛天固 唐志

偽周楊岳墓誌父君楷唐右領軍衛天固府統軍

永寧 唐志

偽周劉洪預墓誌祖世榮唐上開府永寧府驃騎

慶州

永業 唐志

唐王脩福墓誌授慶州永業府右果毅

右驍衛同川唐志

唐張德墓誌初任左驍衛慶州同川府左果毅

鄜州

洛安唐志

唐游擊將軍魏德墓誌貞觀十八年轉任鄜州洛安府果

毅

安昌勞補

隋虎符有左禦衛安昌府是安昌亦承隋之舊

坊州

嘉禾今補

唐守晉陵府別駕倪彬墓誌嗣子中部郡嘉禾府果毅都

尉戴案坊州天寶元年改中部郡

丹州

長松 唐志

唐崔寧墓誌父志丹州長松府折衝又唐陰處士公脩功德記皇考諱伯倫遊擊將軍丹州長松府左果毅都尉又孔公浮圖功德銘祖諱崇雲丹州長從府折衝都尉長從殆長松之譌又張德墓誌有子三人長曰崇琮任左領軍衛咸寧郡長松府左果毅案丹州天寶元年為咸寧郡

左威衛通化 今補

唐袁秀巖墓誌遷左威衛丹州通化府折衝又英倫博物館藏唐沙州戶籍載索遊鸞丹州通化府折衝案唐志丹州有通天同化二府而無通化

延州

左武衛延安唐志

唐劉玄豹夫人高氏墓誌嗣子伯曰崇曜左武衛延安郡

延安府折衝案延州天寶元年改延安郡

寧戎唐志

唐大雲寺彌勒重閣碑宇寧戎府兵曹參軍趙仁最

靈州

右金吾衛武略唐志

英倫博物館藏唐沙州戶籍載索思禮前行右金吾衛靈

州武略府別將

會州

左金吾衛黃石今補

唐智悟律上人墓誌長子會州黃石府別將賜緋魚袋光

歸又唐沙州釋門索法律窟銘皇祖左金吾衛會州黃石府折衝都尉諱奉珍

夏州

寧朔唐志

唐漁陽縣子閻受福墓誌累遷游擊將軍夏州寧朔府折衝

綏州

義合唐志

唐劉漢潤妻楊氏墓誌曾祖待賓皇昭武校尉宇綏州義合府折衝又宇文琬墓誌祖楷皇綏州義合府左果毅

河南道

河南府